

**NAMIBIA SENIOR SECONDARY CERTIFICATE**

**FIRST LANGUAGE OSHIKWANYAMA ORDINARY LEVEL 4105/1**

PAPER 1 Reading and Directed Writing

2 hours 30 minutes

Marks 70

2017

Additional Materials: Answer Book

**INSTRUCTIONS AND INFORMATION TO CANDIDATES**

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [ ] at the end of each question or part question.

**OMALOMBWELO NOMAUYELELE KOVAHONGWA**

- Nyola omanyamukulo oye mEmbo lOmanyamukulo olo wa pewa.
- Nyola Onomola yOsenda, Onomola yEkonakono nEdina loye kEmbo loye lOmanyamukulo.
- Nyola nopena imbulau ile ilaula.
- Ino longifa okadimifo komeva.
- Nyamukula omapulo **aeshe**.
- Kotokela esipelo loitya, elongifonawa loileshifo netungo lomatumbulo.
- Omwaalu waitwa owa yandjwa moikondekifombine [ ] konima yepulo keshe ile yoshitukulwa shepulo.

This document consists of **6** printed pages and **2** blank pages.



Republic of Namibia

**MINISTRY OF EDUCATION, ARTS AND CULTURE**

## OSHITUKULWA SHA-A

Lesha nawa okaleshwa taka shikula, ndele to nyamukula omapulo taa ka pulwa.

### Okaleshwa 1

#### Margaret Hilda Roberts

Margaret Hilda Roberts okwa mona etango momafiku 13 Oktoba 1925. Ovadali vaye ovo, Alferd Roberts naBeatrice Ethel. Okwa dalelwa moGrantham shaLincolnshire moEngland, ye omo a putukila. Oye omukainhu a shiivika a pangela efimbo lile mefimbo lefelemudo omilongo mbali moUnited Kingdom. Xe okwa li omunangeshefa munini, e na oufitola vavali vokulandifa oikulya osho yo oipumbiwa inini yomomaumbo. Margaret okwa kala ha kwafele xe okupindika moufitola ava, ngeenge e uya kefudo. Xe nande a kala e lipyakidila nokupindika, okwa kala yo vali ha kufa ombinga moipambeke yopapolotika yoshilongo shavo nokwa kala yo omufita, ye omukulunhu weongalo. Okwa tekulila omona oukelefiti, osho sha eta Margaret a kale ha i kongeleka yaxe, yedina Finkin Street Methodist. Margaret okwa kala ha pwilikine eenghundafana dopapolotika omanga munini. Molwelitulemo laAlfred mopolotika, osha eta opo a hoololwe a ninge Omukulunhu woshilando shedina, Grantham.

Margaret Roberts okwa fikola ofikola yaye younona pofikola yedina Hunting Tower Road, opo a kala te lihongo nouidiini nokwa pewa olupandu loimaliwa yoku ka twikila kofikola yaKesteven. Margaret okwe shi pondola okumana ko eendodo daye dopedu. MuJanuali omudo 1943 okwa tambulilwa moshiputudilo shopombada shaSomerville, osho shi li oshitukulwa shoUniversiti yaOxford, omo a dja nodjapo yonghatu onhivali yopombada moshihongwa shOunongononi. Okwa ka twikila vali koshiputudilo shopombada shaSomerville, oko e ke lihongela Ondjokonona osho yo Oikwapolotika. Okwa hoololwa a ninge omuleli wongudu Oxford University Conservative Association momudo 1946, manga e li melihongo moshiputudilo shopombada eshi.

Eshi a mana elihongo laye okwa ninga eindilo lolonga mehanganano hali ifanwa ICI, omo ye ina tambulwa nande, molwaashi oshikondo shombelewa yomayakulo eedjo dopanhu, osha didilika kutya Margaret omukainhu weendunge dihapu nova li ve na oumbada okulonga nomunhu woukwatya wa tya ngaho. Margaret okwa waimina ongudu hai ifanwa Local Conservative Association nokwa ongala moshongalele shongudu oyo tu oyo muLlandudno. Ovanambelewa vehanganano olo okwa li va kufwa koshipundi keholokepo laye nove mu pula a ninge omuulikwahoololo wongudu yedina Conservative. Margaret a yauka mo momusholondodo wovaulikwahoololo. Efimbo olo te lilongekidile okuya momafiyafano omahoololo, okwa tembukila koDartford, oko a ka ninga omapekapeko mounongononi wokupungula o-ice cream oulefimbo lonhumba.

MuNovemba omudo 1950, Margaret okwa kufa ombinga ongomuulikwahoololo wongudu yoConservative moDartford. Ongudu yaye oya li ye mu lineekela, shaashi okwa li omupenda osho yo enyakwa mokupopya nongeenge okwa tameke okupopya oto hale u tye kaku na ou ha popi e mu dule. Oshinenenima osheshi kutya oye aeke a li omukainhu mongudu aishe yovaulikwahoololwa. Pefimbo loikonga yomahoololo, okwa li ta yambididwa kovakulunhu vaye, osho yo komuvaleki waye Dennis Thatcher, oo va ka hombola naye muDesemba omudo 1951. Mohombo yavo ova pewa eehamba, omukwati womafuma nomutwi woikuvila. Omadina avo, Carol naMark. Oilonga shilindi manga, Margaret a ninga omufilishisho woimhutu.

Momudo 1959 okwa xwaxwameka oshiwana a tula ombuda moshixwa nokwe shi pondola okumona oititatu ivali yovahoololi. Okwa mona oshipundi momutumba wopashiwana a kalela po Finchley. Momudo 1960 okwa pewa opoosa yOuhamushanga wOpedu mOuministeli wOpendjela nOmakwashilipaleko Opashiwana molwoupenda wokupopya kwaye, oyo inai pewa nande onale omukainhu. Margaret okwa ulikwa a ninge oshilyo shoKabinete momudo 1966.

Omukalelipo wOiwana yaHangana okwa ulika Margaret, momudo 1967, opo a kufe ombinga metalelepo lopaunyuni, olo li na sha nomalandulafano okulela. Omukalelipo wOiwana yaHangana muLondon okwa yandja olopota kombinga yetalelepo, omo a popya kutya Margaret ota dulu okuninga Omuprima Minista monakwiiwa. Momudo 1970 ongudu yopapolotika yoConservative oya findana vali momahoololo omo Margaret a ulikwa kokabinete, a ninge Hamushanga wEhongo nOunongononi. Oupenda nondjungu yaye, oyo ye mu lukifa oshilukadina komutoolinghundana waSoviet kutya ye “Iron lady” tashi ti; omukainhu woshikushu.

Margaret okwa ninga Omuprima Minista waBritain momudo 1979. Oye omukainhu wotete mondjokonona yaBritain a mona oshipundi osho shouleli wopombada. Melelo laye okwa eta mo omalunduluko mahapu ngaashi, omwaalu waava vehe na oilonga owa shuna pedu lo neliko loshilongo ola li tali i pombada nawa. Nande a kala noku shi endifa nawa melelo laye, onghee ngaho pa kala pe na ovo ve li omhinge naye tashi holoka eshi kwa li a ningilwa onghendabala yedipao loshivakela mo-12 Auguste 1984, fimbo a li mohotela yonhumba, omo a dja nokapulu kelume. Oshilongo eshi tashi putuka, omashongo melelo nao otaa hapupala. Margaret okwa kala ta nane noudjuu melelo laye, unene tuu eshi oshilyo shaye shikulu shokabinete, sho osho sha li omupedu waye sha tokola okufiya po oilonga. Momudo 1990 Margaret okwa pingenwa po kuJohn Major ongOmuprima Minista osho yo omuleli wongudu yavo. Margaret okwa fiya po oilonga yopapolotika momudo 1992, netomheno kutya ota ka kala a mangeluka okupopya omadiladilo aye.

Eedula eshi tadi ende tadi i noukolele luhapu tau ende tau nyangwanyangwa, Margaret a nghundipala nomomafiku 13 aNovemba 2013, okwa dimbuka molweendo lwaye lwokombada yedu.

1 Mokunyamukula epulo 1 (a) fiyo 1 (c), owa pumbwa ashike okushanga ondada A, B, C ile D, oyo i li penyamukulo lomondjila. **Ngaashi: (a) A.**

(a) Pefimbo lefudo Margaret okwa kala...

- A ha i kongeleka keshe Osoondaxa.
- B ha kufa ombinga moipambeke yopapolotika.
- C ha kwafele mombelewa yomukulunhu woshilando.
- D ha kwafele xe okulandifa moufitola vaye.

[1]

(b) Odjapo yotete yomoshiputudilo shopombada yaMargaret oyoshihongwa shilipipo?

- A oshOikwapolotika
- B oshOmapekapeko
- C oshOndjokonona
- D oshOunongononi

[1]

(c) Edina lomona umwe waMargaret olye?

- A Alfred
- B Dennis
- C Mark
- D John

[1]

- (d) Pamadiladilo oye, omolwashike ongudu yedina Conservative ya pula Margaret, opo a ninge omuulikwahoololo wongudu yavo? Shi koleka. [2]
- (e) Omushangi okwa hala oku tu lombwela shike kombinga yonghalamwenyo yaMargaret? Shi holola noitwa **ivali**. [2]
- (f) Oumbangi ulipipo tau ulike kutya Margaret okwa li omupopi ha nyakula mokaleshwa aka? Shi koleka. [3]
- [10]

2 Owa kufa ombinga momafiyafano omahoololo u ninge omukalelipo wovanafikola vakweni mofikola yeni. Longekida nee oshipopiwa shoye u yelifile ovanafikola vakweni kwaasho to ka ninga ngeenge ve ku hoolola.

Oitya nai kale **200 – 250**. [20]

## OSHITUKULWA SHA-B

Lesha nawa okaleshwa taka shikula, ndele to nyamukula omapulo taa ka pulwa.

### Okaleshwa 2

#### Indira Gandhi

Indira Gandhi oye umwe womovakainhu va shiivika nawa mefimbo lefelemudo omilongombali. Oye omukainhu wotete a ninga Omuprima Minista waIndia a lela oule woikako itatu ye litwikila okudja 1966 fiyo 1977 noshikako oshitine okwe shi lela okudja 1980-1984. Indira omonakadona wOmuprima Minista mukulu waIndia Jawaharlal Nehru a dalwa momafiku 19 Novemba 1917 moAllahabad. Okwa dalwa pefimbo lekondjelomanguluko IOvaindia okudja moukoloni wOvabritina. Xe yaIndira naxekulu, ovo va li ve kwetele komesho ekondjelomanguluko laIndia. Indira nande ka li naanaa e litula moikwapolotika onghee tuu epangelo laBritain le mu tula modolongo, osho she mu tula monghalo youpongo.

Ovakulunhu vaye ova kala inava hala oku mu tuma keefikola dOvabritina, odo da kala muIndia onghee okwa kala ha fikola ashike meefikola dOvaindia ye ha kongelwa nee ovahongi vopaumwene have mu hongele meumbo. Okwe shi pondola okupita omatrika aye momudo 1934 nokwa ka twikila elihongo laye moshiputudilo shopombada shaViswa Bharati. Omanga e lipyakidila nelihongo laye, ina okwa kwatwa kounghundi nosha eta Indira a fiye po elihongo ye a ka viyauke ina koEuropa, oko a li ta mono ouhaku. KoEuropa okwa tambulwa moshiputudilo shopombada shaSomerville, oshitukulwa shoshiputudilo shopombada shaOxford, omo e ke lihongela Ondjokonona osho yo Oikwapolotika.

Indira Gandhi okwa valekwa komuholike waye wOmufransa wedina Feroze Gandhi, ashike ovadali kava li ve shi hafela nova li tave shi kandeke, molwaashi Feroze vati okwa dja mepata la hepa ye eitavelo laye ola yooloka kwaali IOvahindu. Konima ovadali ova ka dimina ngaho, ndele tava hambola. Ova hambola momudo 1942, mohombo yavo ova yambekwa nomaano ovamati vavali, omadina avo Rajiv naSanja. Konima ashike yehombolo lavo Feroze opamwe nomufuko waye ova tulwa mokalimosho moule wefimbo lixupi molwoinyangadalwa yopashiwana. Indira okwa kala eke lokolulyo laxe omanga xe e li Omuprima Minista waIndia. Momudo 1959, Indira okwa ninga Omupresidente wongudu yopolotika yedina "Indian National Congress" nokwa mona omhito, yokuninga oshilyo shomutumba wopashiwana momudo 1964. Efyo lomushamane waye osho yo laxe, ola etifa Indira a shune omutwe moipeta moikwapolotika, opo a kale e lipyakidila novaneumbo laye.

Konima yefyo laxe yaIndira, Lal Bahadur Shastri, oye a ninga Omuprima Minista waIndia nokwa pangela oule weedula mbali. Indira Gandhi okwa ninga Ominista yOmauyelele nOmaandjakaneko mepangelo laBahadur nokwa ka ulikwa a ninge omuulikwahoololwa wongudu, oyo tu oyo, konima yefyo laLal Bahadur Shastri. Euliko laIndira okuninga omuulikwahoololwa wongudu okwa li la patanekwa koshilyo shikulu shongudu, Morarji Desai osho sha eta, omutumba wakula woilyopitifi yongudu u tukuke meengudu mbali. Ongudu imwe oya kwatelwa komesho kuIndira naikwao okuMorarji Desai. Momudo 1966 omo Indira a hoololwa a ninge Omuprima Minista. Melelo laye okwa ulika owino waye moikwapolotika, naIndia osha ninga oshitukulwa oshinanghono moubuwanhu waAsia. Okwa eta mo omalunduluko manene nokwa fimana ngaashi, moikwaliko nomomilandu doshiwana. Eembaanga okwe di ninga doshiwana oku di kufa meliko lopaumwene nosha eta oiimati iwa meliko loshilongo, shaashi oitai-mbaanga oya londa okudja 8200 fiyo 62000.

Omapungulo opamangeshefelo okwa ya pombada, osho yo onunamapya owa eta elunduluko olo itali dimbiwa fiyo omaunyuni tae ke uya. India okwa dula okulilongela oilikolomwa yaye, ndele haku pewa vali okudja kondje yoilongo.

Omahoololo omomudo 1977 ongudu yomhilameno yedina Janta i li mewiliko laMorarji Desai, oyo ya findana omahoololo. Epangelo kala li tali i komesho nawa koshi yeledo laye. Eliko loshilongo ola wa pedu nai, ndele ombelewa te i fiye po. Omahoololo okwa shiivifwa momudo 1980, Indira Gandhi oye a findana omahoololo omudo oo. Eemwedi daye dopetameko mombelewa okwa li e lipyakidila nokupotokonona oikumungu yopolotika moshilando shaPundjab, omo mwa li mu na onhele iyapuki yomalinyongameno omuhoko wOvasikhs yedina "Golden Temple". Ovatwindubo nepangelo, ova li va onga eenhanda doita monhele omo. Indira okwa longifa eenghono daye dopauleli nokwa tuma omatanga ovakwaita, opo va ka taatae mo ovatwindubo nepangelo monhele omo. Ovakwaita valIndia ova findana okukufa ko onhele, ashike omwa fila ovakwashiwana vahapu unene tuu Ovasikhs. Mo-31 Oktoba 1984 omanga Indira Gandhi ta ende moshikunino shepangelo muNew Delhi, okwa yashwa okufya kovatonateli vaye vavali vomuhoko wOvasikhs. O-Iron lady yaIndia, ya fila kondjoko noya fiya ovakwashiwana valIndia tava tyapula oiimati yeledo laye.

3 Mouleshwa ava vavali wa lesa, yandja omafaafano kombinga yondjokonona yopapolotika yovaleli ovakainhu va hokololwa mo. [20]

4 Owa lesa ouhokololo tava popi kombinga yonghalamwenyo yovakainhu ava vavali, Margaret Thatcher naIndira Ghandi mounyuni. Shangela kaume/kahewa koye ombilive nghee omahokololo ovakainhu ava, e ku kuma komwenyo.

Shi ninga noitya **200 – 250**. [20]

**BLANK PAGE**

**BLANK PAGE**